

## **Bataaki Pool faade e Koloosiyankooŋe**

<sup>1</sup> Oo bataaki ga am iwri miin Pool nelaado Iisaa Almasiihu e sago Laamdo, kaŋum e sakiike men Timote. <sup>2</sup> Min njowtii on onon seniibe wonŋe Koloosi, sakiraaŋe hoolniibe haŋŋiibe e Almasiihu. Yo Baabiraado meeden Laamdo waŋan on moyyere e jam!

*No Pool yettirta Laamdo kammari  
Koloosiyankooŋe*

<sup>3</sup> Min ceerataa e yettude Laamdo, Baaba Joomiraado men Iisaa Almasiihu, nde min jaagantoo on Laamdo fuu, <sup>4</sup> sabi min kaalanaama kabaaru goondinal mon Iisaa Almasiihu, kaŋum e jilli di njogani-don seniibe 6ee fuu <sup>5</sup> saabe jikke mo ndesana-don dow kammu oo. On keŋii oon jikke nde nan-don konngol goonga ngol ndee, dum woni Kabaaru Lobbo oo. <sup>6</sup> Oon Kabaaru Lobbo yottoriima on no mo yottorii aduna oo fuu nii, omo wa'i no lekki mawnoowi ndimoowi 6idde mum nii. Hono non Kabaaru Lobbo oo worri hakkunde mon onon duu, gila jaannde keŋ-don hettinaade haala hinnee Laamdo oo so paamu-don no mo wa'i jaati nii. <sup>7</sup> Dum woni ko Epafaras gollidiido amen korsudo waajii on, kanko gollanoowo Almasiihu koolniido hakkunde mon oo. <sup>8</sup> O haalani min duu jilli di Ruuhu oo hebbini e mon dii.

<sup>9</sup> Saabe dum, minen duu, gila min nani dum, min ceeraali e jaaganaade on Laamdo. Miden jaagoo mo o hebbina on hakkilantaaku e faamu

mo Ruuhu hokkata oo, yalla oŋon annda ko woni sago makko faa gasa. <sup>10</sup> Hono non, keŋon wuurde nguurndam beloojam Joomiraado kawroojam e muuyde mum e dow huunde fuu, tabiton e golle lobbo fuu, beydo-ŋon anndude Laamdo. <sup>11</sup> Miden naaganoo on Laamdo kasen hokka on semmbe mawdo no baawde mum teddude dee mawniri nii, yalla oŋon tawree tiinnitaare e mupal fuu. <sup>12</sup> Njettiree Baabiraado oo seyo, sabi o wadii on fotube hebude ngedu e moyyereji desanaadi seniiŋe gondi e fooyre dii. <sup>13</sup> Kanko yaltini en e baawde nimre, so o naanni en e laamu Biyiiko korsudo <sup>14</sup> coottitiido en so yaafii luutti meeden oo.

### *Haala teddungal Almasiihu*

<sup>15</sup> Kanko Almasiihu o mbaadi Laamdo mo yiy-ataake oo.

Kanko woni hammadi e dow tagoore ndee fuu.

<sup>16</sup> Sabi huunde fuu saabe makko tagiraa,  
 ko woni dow kammu e ko woni e leydi fuu,  
 ko yiyetee e ko yiyataake fuu,  
 dum woni bimmbeeje laamu naa kaanankaaku  
 naa hooreyaaku naa baawde,  
 dum fuu kanko tagiraa, kanko taganaa.

<sup>17</sup> O woodii gila fay huunde woodaa,  
 huunde fuu ana yuŋbondiri saabe makko.

<sup>18</sup> Kanko woni hoore terde,  
 dum woni kanko woni hoore deental  
 goondiŋe ngal.

Kanko woni fuddoode,  
 kanko woni hammadiijo e wuurtube  
 hakkunde maayŋe,  
 yalla omo ŋura huunde fuu.

<sup>19</sup> Sabi Laamdo muuyi ko woni e mum koo fuu

wona e makko kanko Almasiihu.

<sup>20</sup> E oon Bajjo mo rewrintiniri huunde fuu e makko

ko o waddani 6e jam saabe yiyam mum juppiidam dow leggal bardugal koo.

Ko woni dow kammu e ko woni dow leydi fuu rewrintinaama e makko.

<sup>21</sup> Arannde, on fuu on woddiibe Laamdo, on laatinoke way6e makko saabe miilooji mon e gollleeji mon bondi. <sup>22</sup> Kaa jooni, mo rewrintinii on e makko saabe maayde nde Biyiiko laatiido neddo oo maayi ndee, yalla omo darna on yeeso makko tawee on seniibe on ngalaa ayiibe on ngalaa ninge.

<sup>23</sup> Kaa noo, kinaa keddo-don e goondinal, jii6on e ley maggal, laato-don joottiibe 6e ndimmbataako 6e iwataa e jikke mo Kabaaru Lobbo hokkata oo. Oon Kabaaru Lobbo, on nanii mo, sabi tagoore ndee fuu waajaama mo. Kanko ngollanan-mi miin Pool.

### *No Pool ha6orii banngal deental goondin6e Iisaa*

<sup>24</sup> Mido seyii jooni saabe torraaji di ke6u-mi kammari ko ngollan-mi on koo. Hono non, ko heddii e torraaji Almasiihu koo, dum ki66iniran-mi caldi am kammari terde makko dee, dum woni deental goondin6e ngal. <sup>25</sup> Kanngal laatii-mi golloowo mum. Laamdo halfini kam oo golle, yalla mido waajoo on haala makko kaa fuu. <sup>26</sup> Kaan haala yo sirri cuudaninoodo jamaanuuji gila arannde, kaa jooni Laamdo 6annginanii mo seniibe mum. <sup>27</sup> Sabi 6een Laamdo anniyii anndinde sirri mum goodando leji fuu, no sirri oo teddiri e no mawniri nii. Oon sirri annii: Almasiihu ana e moodon, dum hokki on jikke hebude ngedu e

annooraa Laamdo. <sup>28</sup> Oon Almasiihu min kaalata haala mum, miden mbaajoo yimbe fuu, miden anndinira dum'en hakkilantaaku fuu yalla miden njottina neddo fuu yeeso Laamdo tawa yo kibbudoo e ley haabbagol mum e Almasiihu. <sup>29</sup> Saabe dum mido golla mido sooboroo baawde makko gollirooje semmbe e ley am dee.

## 2

<sup>1</sup> Mido yidi anndon haabo naawngo ngo kabeteemi saabe moodon, onon e yimbe wonbe Lawdikiya e wobbe be meedaali yiide kam bee fuu, <sup>2</sup> yalla berde mon ana buuba, laato-don gooto saabe jilli, keewon hakkilantaaku kibbudoo faa paamon sirri Laamdo oo, dum woni Almasiihu <sup>3</sup> mo ngalu Laamdo fuu suudii e mum oo. Ngalu oo yo hakkilantaaku e anndal. <sup>4</sup> Ko kaalanir-mi on dum, pati kiilire-don haalaaji beldi. <sup>5</sup> Sabi fay so taweede mido woddiri on terde, hakkille am kaa ana wondi e moodon, mido seyooroo gondal mon lobbal ngal, kajum e no tiidir-don e goondinal mon e Almasiihu ngal nii.

### *Haala jukkude e Almasiihu*

<sup>6</sup> Jooni, ko njaabu-don Iisaa Almasiihu laatoo Joomiraado moodon koo, njokkon e makko, <sup>7</sup> niibon e makko, accon o naba on yeeso e ley goondinal, keddo-don e ngal goondinal ko waarata e jannde nde ke6-don ndee, njetton Laamdo sanne.

<sup>8</sup> Ndeentee pati fay gooto hiilira on haalaaji luggi e haalaaji boli iwdi e neesuuji biibbe aadama kajum e semmbeeki aduna dii. Deen gede iwaali e Almasiihu. <sup>9</sup> Sabi ko woni e Laamdo fuu ana e Almasiihu, e ley terde mum jaati. <sup>10</sup> Onon duu,

on keŋii ko woni e Laamdo koo fuu e ley haŋŋagol mon e Almasiihu, kanko tiimudo laamu e baawde fuu oo. <sup>11</sup> E makko on taadanooma, kaa wanaa taadagol ngol yimbe ngadata ngol, dum taadagol iwngol e Almasiihu ngol nde o itti on e terde bii-aadamaaku luuttooje dee ndee. <sup>12</sup> E ley ko lootadon lootogal batisima koo, on irdanooma e makko, kasen, on nguurtindinanooma e makko saabe on ngoondinii baawde Laamdo guurtindo mo oo. <sup>13</sup> On maaynoobe saabe junuubaaji moodon e saabe on laatanooki yimbe Laamdo. Kaa Laamdo wuurtindinii on e Almasiihu,

yaafike en luutti men fuu,

<sup>14</sup> tosii derewol kiiti jinooji en dŋi,

ittii ngol, tontii ngol dow leggal bardugal.

<sup>15</sup> O ŋoorti laamu e baawde,

o hersini dum'en yeeso yimbe fuu

nde o jaalorii dum'en maayde Almasiihu ndee.

<sup>16</sup> Ndennoo, pati fay gooto jinir on dow ko naamaton e ko njaraton naa saabe teddingol nalaade yogaaje e darde lewru e nalaade powteede. <sup>17</sup> Dum fuu dum cappotoodum kudde garoyooje tan, kaa goonga oo e Almasiihu woni.

<sup>18</sup> Pati accon rewoobe malaa'ika'en wiyooŋe yo leydinkiniibe pela on. Been yimbe ana kaŋŋii e ko njii ley koydi, kasen ebe mawninkinii e dow meere saabe miilooji maŋŋe aduna, <sup>19</sup> ŋe njokkaali haŋŋaade e Almasiihu hooreejo oo. Oon hokkata terde dee fuu ko kaajaa, hawrintinira de jokkolde e daadi. Kasen duu saabe makko terde dee ana mawnira no Laamdo muuyiri nii.

*Haala maaydude e Almasiihu e wuurdude e mum*

<sup>20</sup> On maaydii e Almasiihu, on iwii e semmbeeji aduna oo ðii. Ndennoo, kodum wadi so odon nguurda no jeyaabe e oo doo aduna nii? Kodum wadi so odon njaba daaleede: <sup>21</sup> «Pati bamu, pati meedu, pati memu»? <sup>22</sup> Dum fuu dum kadaadum dow meere, dum fuu dum waaju iwdo e yimbe tan. Laamdo tagii kulle dee fuu faa nawtoro-den dum'en sakitoo jola. <sup>23</sup> So goonga, yimbe ana miila kadaadi ðii yo hakkilantaaku, sabi wiyeteno kinaa yimbe kujidira no semmbe mum'en foti, kinaa yimbe leydinkinoo, kinaa yimbe mbiira caldi mum'en. Kaa noo, tawaama diin kadaadi fuu paabataako yimbe jaalaade gidaade yonki.

### 3

<sup>1</sup> Ndennoo, ko nguurtindina-don e Almasiihu koo, tewtee kudde gonde dow kammu to Almasiihu joodii jaamo Laamdo too. <sup>2</sup> Ngattee hakkillajji moodon e kudde gonde dow kammu, pati ngattee di e kudde gonde e leydi. <sup>3</sup> Sabi on maayii, nguurndam dam ke6-don jooni dam ana suudidaa e Almasiihu to Laamdo. <sup>4</sup> So Almasiihu laatiido nguurndam moodon oo banngii, on banngidan e makko onon duu, ke6on ngedu e teddeengal makko.

*Haala ko hiidfi e ko heydi*

<sup>5</sup> Ndennoo, mbaree kulle adunankooje gonde e moodon dee, ko wa'i hono ko sobi, kanum e fijirde e gidaade yonki e muuyooji bondi, kanum e joote, sabi joote yo rewde tooruuji. <sup>6</sup> Diin lutti kanum'en njippinta tikkere Laamdo e dow

saliibe goondinde mo bee. <sup>7</sup> Onon duu, hono non ngorrundo-don arande, hono non nguurduno-don e diin luutti. <sup>8</sup> Kaa jooni, njoppee dee doo kulle: tikkere e janngere e ko boni e mbonka, kajum e wulde hunduko. <sup>9</sup> Pati fay gooto e moodon fenana banndum, sabi on ittii ko hiidfi ko wonoo ley mon koo, kajum e golleeji mum fuu, <sup>10</sup> on laatike yimbe heybe. Laamdo tagudo ko heydi ko woni ley mon oo seerataa e heydintinde dum faa dum nannda e muudum, yalla odon keba anndal kibbungal. <sup>11</sup> Ndennoo jooni, walaa ko seenndi Yahuudiyanke e Yunaninke, taadiido e mo taadaaki. Jooni wanaa mo janngaali, wanaa neddo ladde, wanaa dimo, wanaa diimaajo, sabi Almasiihu woni fuu, woni e maabe ge fuu.

<sup>12</sup> Ndennoo, saabe Laamdo subike on, sennii on, horsinii on, tawre-don jilli e yurmeende e moyyuki e leydinkinaare e newaare kajum e mujal. <sup>13</sup> Mujondiree, so yoga moodon ana jogii ko nijira goddo, njaafondiron. No Joomiraado yaaforii on nii, njaafondiron. <sup>14</sup> E ley dum fuu, berde moodon keewa jilli, sabi jilli njuubata huunde fuu faa gasa. <sup>15</sup> Accon jam Almasiihu oo laamoo miilooji mon, sabi Laamdo noddii on faa ngondon e jam laato-don terde goote. Njetton Laamdo sanne. <sup>16</sup> Yo konngol Almasiihu ngol heew e moodon. Yo gooto e moodon fuu waajo goddo oo, jeertinira dum hakkilantaaku. Njimanee Laamdo e ley berde laabude, njettiree mo Jabuura e jaarooje, kajum e jime de Ruuhu Ceniido oo hokkata on dee. <sup>17</sup> Ko ngadaton fuu, so haala so golle, ngadiree dum fuu e innde Joomiraado men Iisaa, njetton Baabiraado men Laamdo

saabe makko.

*No jokkuŋe Almasiihu poti wuurdude*

<sup>18</sup> Onon rewŋe, dōwtano-don worŋe moodon no rewŋe woodanŋe Joomiraado poti wadude nii. <sup>19</sup> Onon worŋe, njidee rewŋe moodon, pati janngon e maŋŋe.

<sup>20</sup> Onon sukaaŋe, dōwtano-don saaraaŋe moodon e huunde fuu, sabi dūm woni ko welata Joomiraado. <sup>21</sup> Onon saaraaŋe, pati jannginee sukaaŋe moodon so berde mum'en metta.

<sup>22</sup> Onon maccuŋe, dōwtano-don halfaaŋe moodon e huunde fuu, tawa wanaa yeeso maŋŋe tan yalla biŋŋe aadama ana njetta on. Ko haani dee, dōwtiraneŋe ŋe berde laaŋude e ley kulol Joomiraado. <sup>23</sup> Huunde fuu ko ngollaton, ngadiron dūm berde laaŋude, sabi Joomiraado ngollanton, wanaa yimŋe ngollanton, <sup>24</sup> anndon Joomiraado barjoto on, hokkan on moyyereeji desanaadi yimŋe mum. Sabi kalfaado mo ngollanton oo yo Almasiihu. <sup>25</sup> Gadoowo ko boni fuu, heŋan mbarjaari golle mum bondo oo, sabi Laamdo burdintaa yimŋe.

## 4

<sup>1</sup> Halfaaŋe, njogoreŋe maccuŋe moodon ŋee jogaade lobbe e dow fooccitaare, anndon onon duu odon njogii kalfaado dow kammu.

<sup>2</sup> Nduumee e duwaawu, tawee odon njeertii odon njetta Laamdo. <sup>3</sup> Nduwaneŋe min minen duu, yalla Laamdo ana udditana min damal faa min mbaajoo konngol mum ngol, yalla miden mbaawa saakude goonga tedduŋe kaaloowo haala Almasiihu oo. Saabe makko jaati uddiraa-mi jooni e ley



kasu. <sup>4</sup> Naagee Laamdo yalla mido waajoroo oon goonga tedduŋo no haaniri nii.

<sup>5</sup> Laatee hakkilante'en hakkunde yimbe 6e ngoondinaali 6ee. Nde ke6-don wakkati fuu, nawtoro-don dum. <sup>6</sup> Haala mon ana haani laataade haala mbelka ngadaaka lamdam, yalla oŋon annda no kaan-don jaaboraade gooto fuu.

### *Baynondiral*

<sup>7</sup> Tikikus, sakiike men korsudo gollidiido am koolniido e ley golle Joomiraado oo, humpitan on kabaaruuji am dii fuu. <sup>8</sup> Ko wadi so nel-moo-mi e moodon, yalla oŋon annda no min ngorri e yalla omo waaltina hakkillaaji mon. <sup>9</sup> Mido neldida e makko Onesim, jeyaado e moodon oo. Oon yo sakiike amen korsudo koolniido. Kambe diŋon, 6e kumpitan on ko wadi gaa koo fuu.

<sup>10</sup> Aristarka mo uddidaa-mi oo ana jowta on, kaŋum e Marka sakiike Barnabas mo mbiinoo-mi so warii to moodon nja66o-don dum oo. <sup>11</sup> Iisaa noddirteedo Yustus oo duu ana jowta on. Kambe tan ngoni Yahuudiyankooŋe gollidooŋe e am kabaaru Laamu Laamdo oo. E6e mballa kam sanne.

<sup>12</sup> Epafaras, gollanoowo Iisaa Almasiihu oo, ana jowta on. Kanko duu e moodon o jeyaa. Wakkati fuu omo soobii e duwaawu saabe moodon yalla oŋon niiba e ley ki66al, timminon muuyde Laamdo fuu. <sup>13</sup> Mido seedanoo mo omo tampani on, onon e Lawdikiyankooŋe e Hiyerapolisankooŋe fuu. <sup>14</sup> Luuka cawroowo mo korsin-mi oo, kaŋum e Demas ana njowta on. <sup>15</sup> Miden njowta saki-raabe men wonbe Lawdikiya 6ee, miden njowta Nimfa e deental goonŋinbe kawroowal galle mum

ngal. <sup>16</sup>Nde on njannɡii oo 6ataaki, ngadee dabare faa deental goondin6e Lawdikiya ngal jangga mo. Onon duu, njannɡon 6ataaki garoowo iwrande on Lawdikiya oo. <sup>17</sup>Mbiyee Arkippa yo tiinno e timminde golle mo Joomiraado halfini dum oo.

<sup>18</sup>E junngo am jaati mbinndiran-mi ngoo doo jowtaango: miin Pool mido jowta on. Pati njeggittee e geyyelle ngon-mi.

Yo hinnee Laamdo wonu e moodon!

## **Aadi keyri: linjiila iisaa almasiihu New Testament in Fulfulde, Maasina**

copyright © 2005 Wycliffe Bible Translators, Inc.

Language: Maasina Fulfulde (Fulfulde, Maasina)

Translation by: Wycliffe Bible Translators

Contributor: Wycliffe Bible Translators, Inc.

### **Copyright Information**

© 2005, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Fulfulde, Maasina

**© 2005, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 11 Nov 2022 from source files  
dated 29 Jan 2022

680239a9-8aa6-5bc3-b42f-dc560bee09b8